

KAUPHÖLL ÍSLANDS [Hlutabréf]

ICEX-15 5.806 -3,06% Fjöldi viðskipta: 358 Velta: 12.355 milljónir

MESTA HÆKKUN

↑ **Alfesa** +0,25%
Avion +0,25%

MESTA LÆKKUN

↓ **Landsbankinn** -5,51%
KB banki -3,72%
FL Group -2,70%

HLUTABRÉF Í ÚRVALSVÍSITÖLU: Actavis 59,70 -1,32% ... Alfesca 4,00 +0,25% ... Atorka 6,00 -0,83% ... Bakkavör 50,80 -2,68% ... Dagsbrún 6,83 -0,87% ... FL Group 21,60 -2,70% ... Flaga 3,11 +0,00% ... Glitnir 17,70 -2,21% ... KB banki 802,00 -3,84% ... Kög-un 74,90 +0,00% ... Landsbankinn 24,30 -4,33% ... Marel 73,60 -0,41% ... Mosaic Fashions 17,30 -1,71% ... Straumur-Burðarás 17,10 -1,72% ... Össur 113,00 -1,31% Klukkan 14.00 í gær.

viðskipti

Umsjón: MARKAÐURINN

nánar á visir.is

Peningaskápurinn...

Ást á rauðu ljósi

Den Danske bank, sem hefur ráðlagt viðskiptavinum sínum að forðast íslensk verðbréf eins og heitan eldinn, er á góðri leið að verða óvinsælasta erlenda fyrirtækið í augum Íslendinga síðan Norsk Hydro gaf skít í álvendingu drauma Austfirðinga. Margir vita það hins vegar ekki að Den Danske bank er einn stærsti erlendi fjárfestirinn í Kauphöll Íslands. Bankinn er meðal stærstu hluthafa í Actavis, Icelandic Group og Nýherja og er til dæmis tíundi stærsti eigandinn í Actavis. Nemur markaðsvirði bréfanna í Actavis um 2,3 milljörðum króna en eignarhlutirnir í Icelandic og Nýherja eru minni.



Birtingarmyndir hitans í hagkerfinu

Seðlabankinn kynnti forsendur ákvörðunar sinnar um hækkun stýrivaxta. Hitinn í hagkerfinu er sem fyrr það sem mótar ákvörðun bankans. Davíð Oddsson kynnti rökstuðning bankans af miklum myndugleik og hefur fóttað sig ákaflega vel í nýju starfi. Glærum til skýringar var varpað upp á vegg á kynningu bankans og brá svo við að vel var greinanlegt á glærunum hitaupstreymi frá myndvarpanum sem notaður var á kynningarfundi bankans. Davíð gerði sér mat úr þessu og sagði að þeir í Seðlabankanum hefðu vel gert sér grein fyrir að mikill hiti væri í hagkerfinu, en kannski ekki gert sér grein fyrir að hann væri svona mikill.

MARKAÐSPUNKTAR...

Greiningardeild KB banka telur að 75 punkta hækkun stýrivaxta og harðorð Peningamál nú megi túlka sem viðurkenningu á vanmati á þróun efnahagslífsins í desember og janúar þegar hækkunin var 25 punktar.

Sjávarútvegsráðherra hefur ákveðið að hlutdeild íslenskra skipa í veiðum á norsk-íslensku síldinni verði 154 þúsund tonn í ár sem er 2,5 prósentu lækkingu frá árinu 2005.

209 milljóna króna tap varð á starfsemi Fiskeldi Eyjafjarðar hf. á árinu 2005. Slæma afkomu má meðal annars rekja til gjaldfærslu kostnaðar í matfiskeldisstöð félagsins.

Tap á Smáralind

Smáralind ehf. tapaði 101 milljón króna á síðasta ári samanborið við 43 milljóna króna tap árið áður. Rekstrarhagnaður fyrir afskriftir (EBITDA) nam 684 milljónum króna en var 601 milljón árið 2004.

Heildartekjur félagsins námu 1.259 milljónum króna og hækkun um tæp tíu prósent á milli ára.

Heildareignir Smáralindar voru rétt rúmir tíu milljarðar í árslok, þar af var verslunarmiðstöðin metin á 9,6 milljarða. Sökum þeirra uppgjörsgreina sem félagið beitir hefur húsnæðið ekki verið endurmetið í ljósi fasteignahækkana.

Eigið fé félagsins var 1.754 milljónir í lok árs.

Gestum í verslunarmiðstöðinni



SMÁRALIND TAPAR Um 100 milljóna króna tap varð á rekstri félagsins. Rekstartekjur hækkun um tíu prósent á milli ára.

fjölgæði um 4,4 prósent á síðasta ári en velta jókst talsvert meira, um fimmtán prósent.

Seðlabankinn sendir skilaboð um strangt aðhald

Seðlabanki Íslands hækkadi í gærmorgun stýrivexti um 0,75 prósentustig. Bankinn segir að með þessu sé brugðist við óviðunandi verðbólguhorfum og boðar aukið aðhald í peningamálum.

Seðlabanki Íslands sendi í gær skýr skilaboð um að hann myndi bregðast við verðbólguþróun með frekari hækkunum stýrivaxta. Kynnt var hækkun stýrivaxta um 0,75 prósentustig.

„Við erum ekki að segja að við þurfum að fara með vexti upp í sextán prósent,“ áréttaði Davíð Oddsson seðlabankastjóri eftir kynningu á vaxtaákvörðun bankans. Seðlabankinn boðaði aukið aðhald í peningamálum og stýrivaxtahækkunir eftir því sem þyrfti til að ná verðbólguþróun bankans.

Davíð sagði bankann ekki óttast of sterka túlkun á vaxtaákvörðun og skilaboðum bankans um mögulegar frekari hækkunir. „Við teljum undirliggjandi gögn sýna að ákvörðunin sé vel grunduð. Við höfðum vonast til þess að sú gengisáðlögun sem við höfum ætíð spáð að myndi eiga sér stað kæmi fram síðar og yrði þá til þess fallin að vera okkur þægilegri en gengisbreyting sem fram kæmi í jafnmikilli spennu og nú er. Ég tel því að þau gögn sem við setjum fram sannfæri greiningaraðila sem aðra



SEÐLABANKASTJÓRI KYNNTI PENINGAMÁLIN Davíð Oddsson, formaður bankastjórnar Seðlabanka Íslands, fór yfir stöðu og horfur í peningamálum á fundi í bankanum fyrir hádegis í gær. Hann sagði bankann ganga eins langt og þyrfti til að ná verðbólguþróun hans.

FRÉTTABLAÐIÐ/GVA

um að bankinn sé á réttu róli,“ segir Davíð og telur að landing í hagkerfinu eigi að geta orðið mjúk. „Fyrir því eru meiri líkur ef aðhaldið er öflugra.“

Davíð segir verri verðbólguhorfur hafa mátt rekja til gengislækkunar krónunnar undanfarnar vikur auk þess sem hagvöxtur undanfarnar tvö ár hafi verið mun meiri en áður var talið. „Framleiðsluspenna er því meiri og verðbólguhorfur eftir því óhagstæðari.“

Þá kom fram að ýtt gæti undir áhrif vaxtahækkunarinnar nú að vextir færu hækkandi víða um lönd og aðgangur fjármálastofnana að erlendu lánsfé væri ekki jafn greið-

ur og áður var. „Á meðal þess sem veldur því að áhættuálag bankanna hefur hækkað á alþjóðamörkuðum að undanförunu er vaxandi ójafnvægi í íslenskum þjórðarbúskap. Viðkvæmni innlendra fjármálastofnana fyrir ójafnvægi í íslenskum þjórðarbúskap virðist ofmetin af mörgum, vegna þess hve stór hluti starfsemi þeirra er erlendis. Vegna þessa ofmats kann lækking áhættuálags á skuldabréf þeirra að verða torsóttari en ella ef ekki dregur úr ójafnvægi í þjórðarbúskapnum. Því er brýnt að stuðla að betra jafnvægi sem fyrst, meðal annars með ströngu aðhaldi í peningamálum,“ segir Davíð.

olli@frettabladid.is

Komdu á óvart
Prófaðu danskar pylsur næst

SS fremstir fyrir bragðið



MATAS TIL SKOÐUNAR Baugur hefur áhuga á Matas í Danmörku, sem selur snyrtivörur, vítamín og lyf sem ekki eru lyfseðilskyld.

Baugur skoðar lyfjaverslanir í Danmörku

Baugur mun leggja fram tilboð í dönsku verslunarkæðuna Matas fyrir næstu helgi samkvæmt frétt Börsen. Matas, sem selur snyrtivörur og lyf sem eru ekki lyfseðilskyld, er í eigu stjórnenda félagsins, sem hafa haft hug að fá fjárfesta til liðs við sig. Skarphéðinn Berg Steinarsson segir að félagið hafi fylgst með Matas um skeið. „Þetta er áhugavert fyrirtæki sem býður upp á ýmis tækifæri í samvinnu við stjórnendur og núverandi eigendur.“ Hann segir

Baug hafa upp á áhugaverðar hugmyndir að bjóða fyrir framtíð keðunnar.

Í Börsen kemur fram að hinir 180 eigendur Matas muni hittast um næstu helgi til að ræða tilboð sem hefur borist frá sænsku fjárfestingafélagi. Skarphéðinn segir að þegar frést hafi af slíku tilboði hafi Baugur ákveðið að senda einnig tilboð til stjórnenda félagsins.

Matas rekur meðal annars verslun í Magasin du Nord, sem er að hluta til í eigu Baugs.

- eþa

Peningastefnan virkar frekar

Edda Rós Karlsdóttir, forstöðumaður greiningardeildar Landsbankans, fagnar stýrivaxtahækkun Seðlabanka Íslands og segir hana í takt við vonir greiningardeildarinnar. „Við vorum búin að segja að það þyrfti 75 til 100 punkta, en töldum samt að það kæmu bara 50. Við teljum ákvörðun Seðlabankans laukrétt.“

Áhrif stýrivaxtahækkunarinnar eru margvísleg, segir Edda Rós. „Til skamms tíma ætti verðbólga vegna gengislækkunar að verða minni en hún hefði ella orðið og hefur til lengri tíma áhrif á eftirspurnina í samfélaginu. Síðan hefur þetta mikilvæg áhrif inn á skuldabréfamarkaðinn, því hærri hækkun er líklegri til að hafa áhrif á verðtrygghu kröfuna en lægri. Síðast en ekki síst eru þetta líka sterk skilaboð um að vextir Seðlabankans skili fjárfestum viðunandi ávöxtun. Þetta eykur líkurnar á að peningastefnan virki í gegnum vexti, en ekki bara gengi eins og hún hefur gert.“

- óka



EDDA RÓS KARLSDÓTTIR